

## Četiri nove sorte grožđa

**Naslov originala:** Austrian Qualitätswein: Four New Grape Varieties

**Izvor:** <https://www.austrianwine.com/>

**Objavljeno:** 22.11.2018.

**Prevod:** Dragutin Mijatović



Četiri nove bijele sorte grožđa sada su dozvoljene za proizvodnju Qualitätswein (kvalitetnog vina) u Austriji, putem kolektivnog amandmana na austrijski zakon o vinu. Tri od njih su otporne na gljivične bolesti. To su novi hibridi poznati kao PIWI\*.

### **Nove pridošlice porodici Muskateller Qualitätswein**

*Blütemuskateller, Goldmuskateller, Muscaris i Souvignier Gris* - ove četiri sorte bijelog grožđa su podignute u status Qualitätswein sorti tokom ljeta putem kolektivnog amandmana na austrijski zakon o vinu. Ovo ukupno povećava broj Qualitätswein sorti u Austriji na četrdeset. Uključivanje sorte Goldmuskateller (Moscato Giallo), je dopuna sortama Muskat Ottonel i Gelber ili Roter Muskateller. Goldmuskateller, je uzet s obzirom da je manje podložen truljenju, što je njegova prednost.

### **Piwi sorte: Ekološke koristi kroz otpornost**

Blütemuskateller, Muscaris i Souvignier Gris su tri sorte grožđa otporne na gljivične bolesti poznate kao PIWI. Pored dvije crvene PIWI sorte Rathay i Roesler, ovo je prvi put da su bijele sorte PIWI odobrene za proizvodnju vina, Qualitätswein u Austriji. PIWI sorte su mukotrпно razvijeni novi hibridi sa povećanom otpornošću na gljivične bolesti kao što su pepelnica (*Oidium*) i plamenjača (*Peronospora*).

To nudi niz ekoloških prednosti: smanjenje primijenjenih pesticida znači manji prolaz traktora kroz vinograd, što smanjuje emisije zagađivača i minimizira kompaktiranje tla. Iz tih razloga, vinogradari koji praktikuju organsko ili održivo vinogradarstvo stalno pokazuju sve veći interes za PIWI sorte. Trenutno se evidencija vodi samo za lokacije zasađene sortama Rathay i Roesler, koje obuhvataju 273 hektara na području gdje se gaje.

### **Vrhunska vina iz Austrije**

U Austriji, gdje se više od 13% svih vinograda već uzgaja organski, PIWI sorte se danas vide u svim vinogradarskim regijama. Vinogradari već godinama rade sa njima, posebno u regionu Steiermark sa visokim godišnjim količinama padavina. Širom Austrije, nove sorte daju impresivna vina, koja se veoma dobro uklapaju u međunarodne organske i PIWI-vinska takmičenja.

## Profil prepoznatljivog okusa sa prepoznatljivim referencama

Po pravilu, PIWI sorte imaju svoje jedinstvene profile okusa. Međutim, oni su obično orijentisani prema onima već poznatih sorti grožđa, što potrošačima omogućava da pristupaju novim vinima sa većom fleksibilnošću. Dok Sauvignier Gris podsjeća na Pinot Gris, Blütenmuskateller i Muscaris pokazuju izražene note muskatnog oraščića i citrusa. Rathay je popularan kao partner za miješanje zbog svog čvrstog tijela i atraktivnih tanina, dok je Roesler sa svojim pikantnim tamnim voćem sve češće vinifikovan kao monosortno vino.

\* PIWI: Pi = Pilz = fungus (gljiva); wi = widerstandsfähig = resistant (otporan)

### Blütenmuskateller (PIWI)

Blütenmuskateller je ruski hibrid iz 1947. godine, jedna od sorti otpornih na gljivične bolesti. Prvi put je uvršten u registar sorti grožđa u 2013. godini.

**Porijeklo:** Rusija; **Roditelji:** Severnyj x Muskat; **Površine pod vinogradima:** samo eksperimentale parcele



#### Važne ampelografske karakteristike:

**List:** petougaon sa tri do pet isječaka, dubokih sinusa.

**Grozđ:** srednje veličine, srednje gustine, konusnog oblika sa jednim do tri krila, bez sekundarnih krilca. Bobice su eliptične sa zelenom do žutom pokožicom i intenzivnim muskatnim okusom.

**Sazrijeva:** srednje do kasno

**Značaj,** uslovi: ova sorta zahtijeva dobre lokacije sa najmanje srednje dubokim zemljištima i često zahtijeva smanjenje prinosa. Blütenmuskateller doseže visoke vrijednosti sadržaja šećera i prikladan je za proizvodnju slatkih vina. To je jedna od sorti

otpornih na gljivične bolesti i tako zaštićena od Oidiuma i Peronospore.

**Vina:** su punija i raskošnija nego vina od sorte Gelber Muskateller, sa snažnom muskatnom aromom, koja podsjeća na miris cvijeća.

### Goldmuskateller

Ova autohtona sorta italijanskog grožđa vjerovatno je povezana sa sortom Gelber Muskateller. Prvi put je priznata među dozvoljenim sortama za Austriju 2018. godine.

**Porijeklo:** sjeverna Italija; **Roditelji:** vjerovatno je hibrid između sorte Gelber Muskateller i neke nepoznate sorte; **Površine pod vinogradima:** još nisu službeno zabilježene



#### Važne ampelografske karakteristike:

**List:** okrugao do petougani, tri do pet isječaka, oštro zašiljenih zubaca, sinus peteljke otvoren

**Grozđ:** srednji, rastresit; tamno žutih bobica sa čvrstom pokožicom

**Sazrijevanje:** kasno

**Značaj,** uslovi: Goldmuskateller je priznat kao dozvoljena sorta za Austriju 2018. godine.

Poželjno je da ima tople i bez mraza lokacije sa krečnjačkim tlima.

**Vina:** vina pokazuju karakteristične muskatne note, puna su i zlatnožute boje. Čak i sa izraženom voćnošću, kiseline igraju važnu ulogu. Vina se mogu proizvoditi kao suva, ali su prije svega slatka.

### **Muscaris (PIWI)**

Hibrid koji je stvorio Norbert Becker (Staatliches Weinbauinstitut Freiburg) je sorta otporna na gljivične bolesti. Parcele zasađene ovom lozom nalaze se prvenstveno u regionu Steiermarku. **Porijeklo:** Freiburg, Njemačka; **Roditelji:** hybrid između Solaris x Muskateller; **Površine pod vinogradima:** još nisu službeno zabilježene



#### **Važne ampelografske karakteristike:**

**List:** petougaon sa tri do pet isječaka, sinus peteljke preklapljen

**Grozd:** rastresit do vrlo rastresit, cilindričan sa malim sekundarnim krilcem; Bobice okruglaste sa zelenom pokožicom i notom cassis-a

**Sazrijevanje:** rano do sredine

**Značaj,** uslovi: sorta raste na zemljištima srednje dubine, gdje rano kreće. Kao PIWI sorta, njena otpornost na Oidium i Peronospora je veoma velika, ali teži ka sušenju grožđa i propadanju stabla.

**Vina:** vina podsjećaju na vina sorte Muskateller zbog njihove muskatne i limunske arome. Ona su snažna i značajno sa intenzivnom kiselošću, što ih čini dobrim kandidatima za proizvodnju u pjenušavog vina Sekt. Visok sadržaj tanina, međutim, zahtijeva korekciju.

### **Southern Gris (PIWI)**

Southern Gris je sorta otporna na gljivične bolesti, koju je stvorio Norbert Becker, a provenstveno se gaji u regionu Steiermark. Sortna sklonost ka velikom prinosu traži neophodno prorjeđivanje grozdova.

**Porijeklo:** Freiburg, Njemačka; **Roditelji:** hybrid između sorti Cabernet Sauvignon x Bronner; **Površine pod vinogradima:** još nisu službeno zabilježene



#### **Važne ampelografske karakteristike:**

**List:** petougaon sa pet isječaka. Sinus peteljke zatvoren do blago preklapajući.

**Grozd:** srednje veliki, rastresit do vrlo rastresit, cilindričan sa malim sekundarnim krilcima; Bobica okrugla do ovalna sa crvenom pokožicom i neutralnim okusom

**Sazrijevanje:** rano do sredine

**Značaj,** uslovi: Southern Gris je jedan od PIWI tipova - sorti otporne na gljivične bolesti - i stoga je jako otporan na Oidium i Peronosporu. Njegovo

rastresito lišće i robusna pokožica bobice štite od truleži u područjima sa obilnim padavinama. **Vina:** vina pokazuju neutralnu aromu, bogata su ekstraktima, snažna i značajna, pomalo podsjećaju na Pinot Gris.

PIWI-sorta: Novi hibridi sa povećanom otpornošću na gljivične bolesti.

Iz tog razloga posebno dobro odgovaraju organskom i održivom vinogradarstvu.